



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1514. usque ad annum 1520

**Fleury, Claude**

**August. Vind. [u.a.], 1769**

**VD18 90118464**

§. 48. Zwinglius more Lutheri contra Indulgentias declamat

---

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

bat, ex quibus ille haud modicam auri summam colligebat. Sacnl. XVI.  
A.C. 1519.

## §. XLVIII.

*Zwinglius more Lutheri contra indulgentias declamans.*

Zwinglius, quod tam ampli lucri spe dejectus esset, gravi indignatione commovebatur, cumque abjectus, ac venalis ejus animus haud ipsi permetteret, ut iram suam moderaretur, maluit in convitia contra indulgentias erumpere, quam tacere, quamvis religioso silentio longe magis suo honori consulisset. Re percepta praefatus Monachus adversus Zwinglium praedicare caepit; unde veritatis cathedra non sine populi offensione altercationibus, ac ejusmodi sermonibus profanabatur, in quibus Praecones gregem instruere haud solliciti nonnisi suos utrinque adversarios convitiis proscindere certabant. Paulo post Zwinglius ab indulgentiis, quas deridebat, continuato errore transit ad impugnandam Papae auctoritatem, ad ipsam Sacramenti Poenitentiae naturam, ad meritum fidei, ac piorum actuum effectus, cunctosque honeste articulos aggrediebatur, non veritatis dilucidandae studio, sed privatas suas opiniones, erroresque venditandi, ac tuendi pruritu. Raynal. ad  
ann. 1520.  
Pallavic. hist.  
Trid. l. I. c. 19.

113      Episco-

Sæcul. XVI. A.C. 1519. Episcopus Zwinglium non nisi abusus perstringere, ab initio ratus, declamationibus illius adeo non restitit, ut eum etiam ad prosequendum zelum animaret, suumque illi præsidium promitteret. Tanti Viri patrocinium Zwinglii audaciam non modo firmavit, sed longe acrius incendit, erroresque suos totidem Evangelii veritates vocare omnino non erubuit, tandem vero Episcopus, ubi Zwinglium adversus ipsam fidem declamare cognovit, nimiam datæ facultatis facilitatem suam damnavit, ille autem Præsuli perfricta fronte declaravit, quod invito licet Episcopo, ac Pontificis Legato, nihilominus prædicaturus sit. Ergo ineunte jamjam anno Domini millesimo quingentesimo decimo quinto sermonibus suis invehi cæpit non modo in indulgentias, sed etiam in Sanctorum invocationem, Missæ sacrificium, leges Ecclesiasticas, vota, Sacerdotum cælibatum, & abstinentiam a carnibus: Illo tamen tempore nondum externum ac publicum Religionis cultum immutavit.

*Ulemburg. in vit. & gest. Luther, 5. Raynald. an. 1520. n. 1.*

Non minus Lutherus nominis sui fama elatus, audacia crescebat: Exeunte enim hoc anno sermonem de communiione vulgavit, in quo affirmabat, quod ille, qui Sacramentum non nisi sub una specie recipit, integrum non recipiat, ac inde optandum, ut communio sub utraque

que specie in quodam Generali Concilio Sæcul. XVI. A.C. 1520.  
ab Ecclesia denuo institueretur, ne fide-  
les Sacramenti integritate frustrarentur.

Vix libellus iste lucem aspexerat, cum  
illico Misniæ Episcopus illum proscriberet  
velut Concilii Lateranensis definitio-  
ni contrarium, atque compositum ad du-  
bia suscitanda fidelibus, qui communio-  
nem sub una specie suscipiunt.

§. XLIX.

*Lutherus a Misniensi Episcopo  
proscriptus.*

Lata est hæc censura die vigesima quar-  
ta Januarii Anno Salutis millesimo  
quingentesimo vigesimo, cui mox Luthe-  
rus alium opposuit libellum, in quo equi-  
dem fatebatur, Christum Dominum sub  
qualibet specie integrum contineri, nec-  
non a fidelibus Lateranensi Concilio ob-  
temperandum, atque usum ab eo stabili-  
tum esse tenendum: declaravit tamen,  
quod ipsius propositio velut schismatica  
aut scandalosa nullatenus damnari posset,  
cum ipse tantum exoptasset, ut Ecclesia  
in quodam Generali Concilio communio-  
nem sub utraque specie restitueret; „ nam  
„ si, inquiebat, meam damnas propositio-  
„ nem, illam ex conditionali in absolu-  
„ tam transmutas, negasque Concilio  
li 4 gene-